

Çend projeyên nû li parêzgeha Duhokê

Amadekirin: Mizgîn Doskî



Vekirina sê bank û danana berê binîyatî bo du pirojên nû

li roja 1/4/2007 çend proje hatine vekirin û berê binîyatî bo hindekên dî hate danan: 1-vekirina banka mangêşkê, li ser rûberê 1500 m² hatî ye avakirin û ji sê nihoma pêk dihê.

2- vekirina banka Batîfa, ji sê nihoma pêk dihê. Kojmê terxankirî bo avakirina herdu banka (1) milîyar û (600) milîyon dînarbûn. herwesa li roja 2/4/2007 bi amadebûna birîkarê wezareta darayî banka (Şêxan), bi kojme pitir ji (900) milîyon dînanan hatevekirin. Armanc ji avakirina wan bankan ewe ku xanên û xêzanên şehîdan li herdu deveran heyvaneyên xwe lê werbigirin.

Jilayekê dîve li roja 1/4/2007 berê binîyatî bo avakirina dezgayê Eylolê li Zaxo hate danan, parê terxankirî bo pirojey, (434) milîyon dînar e rûberê giştyê ye avahî 1800m² ji du nihoma pêk dihê.

Her wesa berê binîyatî bo avakirina banka bazirganî li Zaxo, bi kojme (1) milîyar û (676) milîyon dînanan hate danan. Avahî li ser rûberê 2000 m² dê hête avakirin. proje bi piştevanîya wezareta darayî ya hikumeta herêma Kurdistanê hatîne encamdan.

Vekirina avahiyê nû yê êketîya nivîserên kurd liqê duhok

Êvariya roja 22/4/2007 û bi helkefta 109 saliya rojnamevaniya kurdî û bi çavdêriya berêz Temer Remezan parêzgerê duhokê û amadebûna çend rewşenbîrên Kurdistanê avahiyê nû yê êketîya nivîserên kurd liqê duhok ji layê (Şukiriye Resul) hatevekirin.

Avahî li ser rûberê (5500) m² hatiye avakirin û ji sê nihoma pêk dihê, holên simînanan û jorên kargêrî û baxçe û yana civakî bi xweve digire, hikumeta herêma Kurdistanê pitir ji (910) milîyon dînanan bo çêkirina avahî û kirîna kel û pelên nav avahî terxankiribûn. Li dor giringiya avahiyê nû Hesên Silêvanî got: ev avahiye wê bibe hokarek ku nivîser û rewşenbîr çalaktir bin, her wesa me li bere festîvala sêyê ya rewşenbîrî livî avahî bigêrîn.



Vekirina du pira li devera Gulîya

Bi amadebûna Temer Remezan parêzgerê duhokê û çend ber pirsên hizbî û îdarî li roja 29/4/2007 pirojê pira dêrîşkê bi gojmê 257milîyon dînar ji layê hikumeta herêma Kurdistanê li devera Batîfa hate vekirin û pira kurka li ser rûbarê xabûrî li devera gulîya hate vekirin. cutîyarên gundê dêrîşkê û xelkê gundên dî wê mifay jê wergirin.

Hejî gutinê ye her du pir ji layê rêveberiya rêk û pira li duhokê hatîne bicanîn, bi çêkirina herdu pirojan jî, jimara pirên piştî ser hildanê ji layê rêveberiya navbirî hatîne çêkirin gehişte (27) piran.

